

黑契丹紀事本末

序

原夫魚羊入洛爲鮮卑徙帳之年鸚鵡興諸是姬氏歸齊之日國分崩而靡主民蕩析而無居遼雁不歸望白山兮斷色木陵誰奠瞻丹國而淒零而况戎索皆離吾君爲虜中原板蕩帝子誰臨問故都則臨潢已墟進甌幕而青衣行酒痛唯拭淚莫吟大好江山悲向南枝孰問故宮絲竹感黍禾兮無色望春宇兮不歸玉盃金魚秋陵已矣銅駝石馬舊苑淒然然使於斯時爲之臣者無一旅以佐中興無片土以存國脈帝袍北去全族爲俘足國南臨渡江皆燼台城黯色驚青絲白馬之何來姑臧城高悉豐草洌泉之有木將敵師之至也韓陵無土誰葬温碑崖嶺空摩莫存帝祚任青冢之一去居夾谷而不歸遼水無聲徒傳鳴咽大賀之鬼不其餒而而果焉羸秦有人汝南多士得東丹之帝族仕翰苑而蜚聲歷秦祥二州刺史遼興軍節度使以茲文士蒞彼戎行光弼重來旌旗變色謝元秉節草木皆兵指揮則機槍無靈咤叱而風雲皆變川茲克敵靡敵不崩舉以臨戎無戎不服大宛馬好爭旁午於王庭肅慎矢堅羣羅陳於甲帳室韋勿吉則納土求臣烏弋黃支迺望風受吏是以爾時之天山以北葱嶺以西凡隸於回紇大食諸部疆域數萬里大小數十邦靡弗貢贄稱臣爭先恐後威德所及遠至阿母河以西亦可謂盛矣可謂廣矣在

位二十年傳國及於數世士馬強盛幅幘廣長黎黔又安鐘簾無警飲吹河之盟水同膺  
鉄券之榮頒阿里之林檎共拜君王之賜畀曾祿而大封同室錫印綬而遠及異方克烈  
算端聯爲譜達薩末酋長世結婚姻播厥威靈則華戎之疆無外信從宗教則回釋之見  
胥融而且能起萬里之師雪祖宗之憤事雖未就君子躉焉以視夫宋君南渡仍納贄於  
戎廷漢祖垂基竟和親於羯室其智否賢愚不可同日而語而惜乎遼史以其非正統所  
系畧見於天祚紀後擇焉不精語焉不詳齊氏召南歷代帝王年表又忘其甲辰卽位之  
期守夫康國十年之誤致使歲月舛誤疆宇參池亥豕魯魚讀史者靡得而考甚可異也  
元史繼作疏脫尤甚大石訛爲太石思干誤作什干回紇回回則國名混誤阿里阿力則  
地勢不明而且疑建邦畿則終於河中延疆土則僅於葱嶺在位三主鮮二后之相承重  
叛蒲華勞君王之再駕則是未讀北庭之錄謬解地形不觀西使之書妄爲註釋無通人  
之勘校有手民之相沿謬誤流傳固無怖怪然差幸有後之君子如錢氏大昕何氏秋濤  
等鈎稽同異詳別僞眞語年代則力別延慶之訛考地志則力證龜茲之誤稽欠音似訪  
都邑於北城東西地同比聲威於留格而且能延八十餘年之宗裔何如少康闢數千餘  
里之版圖差高東夏故後之撰史者不得以其爲偏安而少之且以其能勤遠畧而嘉之

---

而一貫東西在當時不可謂非盛事且以視典午東渡北魏西遷厥中興之情形又有過之無不及矣嗚呼訪故事於中亞間遺族於桃花殘碑弗存城址具在考古者竊爲之歎歔躑躅低徊而不置然因此能繹長春真人之記讀湛然居士之詩則於爾時之西域全輿根登遺事其庶几歟其庶几歟歲在己酉夏四月南清河王光福彞仲謹序於都門旅次

---

黑  
尼  
丹  
紀  
事  
本  
末  
序

黑契丹紀事本末

凡例

一是編世次紀年悉以遼史爲主而輔以錢大昕十駕齋養新錄所載西遼紀年考自西遷以前全用天祚年號詳書某月某日甲辰以後改元延慶則依年敘事至辛未菊兒汗失國止中歷八十餘年與遼史所紀正相符合至商氏續綱目薛氏續通鑑等書所載歲月俱未敢附和

一遼史稱大石西徙與忽兒珊之師戰大破之遂駐軍尋思干九日西行至起兒漫建國稱帝册立百官云云按由尋思干至起兒漫中必經花刺子模烏爾韃赤城過阿母河始得徑達其地而原史未載大石與阿切斯蘇爾灘爭戰事今據洪氏元史譯文證補所載列入庶師之所經道里山川瞭如指掌

一直魯古爲乃蠻古出魯克所篡爾時阿母河以東諸地悉被割於花刺子模以錫爾河爲界河以東爲西遼屬土河以南爲花刺子模國境載諸史乘班然可考迺魏默深撰元史新編仍沿元史之譌誤謂成吉思汗十五年克蒲華城十六年攻卜哈爾城十五年克尋思干城十六年攻薛迷思干城蒲華卽卜哈爾尋思干卽薛迷思干一地而兩

名已屬藩人耳目况厥境俱在錫爾河西南爲花刺子模所據不屬西遼久矣乃王宋諸先生誤於前錢大昕復爲之曲解於後謂十五年所克係乃蠻王古出魯克所據之地既克之後復背蒙古而附算端故次年再攻之云云持見如此是未取經世大典原圖詳細披閱無怪其沿誤如是

一 洪皓松漠紀聞載大石西遷携天祥子梁王至沙子踰三晝夜立之改元稱帝云云此與錢大昕所著西遼紀年攷足以互相發明錢氏謂延慶改元當在甲辰之春其時猶未至西域若稱帝則當於延慶三年不在延慶元年改元延慶時在保大三年甲辰春立天祥之子爲帝而已相之殺青牛白馬祭天地祖宗整旅而西挾幼君以臨諸蕃故靡不從服錢氏謂假興復之名以號召諸部正與此說相符

一 大石後嗣二后二主在位僅見於托克托遼史無他事可徵茲故從畧

一 西遼全盛之時奄有今之天山南北諸境直抵波斯東南凡花刺子模賽而柱克馬三德蘭起而漫康里俱降服稱臣東則乃蠻高昌克烈阿刺魯白韃等亦世爲臣僕故湛然居士懷古詩注云大石西徙克西域數十國幅員數萬里傳數主而滅按此役在西歷十一世紀西人名其國曰 *Kham Kham* 譯言喀喇契丹也喀喇蒙古黑色之義西紀

---

載此事謂大石始由東土爾其斯坦侵至西土爾其斯坦占據基發全城基發卽機窪城跨阿母河畔時屬花刺子模大石殆由此道侵入波斯東南惟西史未載此事西人謂契丹族曰桃花歹洪氏譯文證補作桃花石亦曰唐喀氏西土考古錢之書有契丹錢鑄於宋仁宗慶曆四年間云錢摹鑄有唐喀氏字 本朝咸同間某使至俄羅斯都城俄人云子契丹後耶其精於種族之學如是

---

---

黑契丹紀事本末 凡例

黑契丹紀事本末目錄

德宗西遷

延慶改元

奠都於虎司窩魯朶

仁宗嗣位

博克碩寬淫亂

天禧亡國

古出魯克篡立

回紇叛服

阿刺魯臣服

金夏通書

克烈逃叛

康里降金

花刺子模興衰

黑契丹紀事本末

目錄

---

黑契丹紀事本末 目錄

蒙兀兒全族西征

起兒漫建國

疆域四至

西北釋地附錄

全國紀年考附

黑契丹紀事本末

南清河王光福彞仲編輯

德宗西遷

耶律大石者世號爲西遼太祖阿保機之八世孫也弱冠有大志通遼漢文善騎射登天慶五年進士仕於朝爲翰林學士承旨一時詔敕章奏多歸其撰著而詞意贍實中外交誦朝中文學之士亦群相推薦而無異詞時遼號翰林學士爲林牙故世稱大石林牙厯秦祥二州刺史遼興軍節度使保大二年宋童貫率師來伐以書諭燕王使降王使大石領一千五百餘騎屯涿州新城詰以兩國盟好何爲興師既是信使安得結劉宗吉獻城宋使馬攢來告曰女真兵已至山後本朝乃是遣兵救燕劉宗吉見投安得不納大石曰本欲留宣贊緣自來通好不欲太甚欲利則和欲戰則戰大暑暍甚母令諸軍久苦語畢上馬馳去

是年秋九月金主以精師萬餘襲遼主於天漁灤巨蒲家奴斡離不率師爲前鋒遇遼主於石輦驛大敗之遼主遁去斡離不追至烏里質驛不及而返時大石方從蕭妃居古北口鎮守邊境聞金主將至居庸關遂集衆議所往蕭妃者秦晉王淳之妻淳藉大石之力



得立爲帝崩遂立蕭氏爲太后主國政至是聞警將議守棄未決大石倡議奔附天祚有宣宗駙馬蕭敦迭曰今日固合歸天祚然有何面目相見大石悲命左右牽出斬之傳令軍中有敢異議者視此遂出古北口趨天德軍與天祚相合俄率師侵及金之奉聖州壁於龍門東二十五里與金婁室之師大戰不利全師皆覆遂降於金

三年夏四月金斡离不銀朮可妻等以兵三千分道襲遼主將至青冢遇泥滿不得進斡离不等以繩繫大石使爲前導直趨遼主營獲秦王許王公主等旋師金主詔諭其臣下曰遼趙王習泥烈林牙大石雖非降附其爲鄉導有功可明諭之太祖愛其俊辯賜之妻居恆與粘罕爲雙陸之戲爭道不勝粘罕怒欲殺之而未出諸口大石覺其意大懼率五子宵遁復歸於天祚時保大三年秋金史粘割韓奴傳所謂乘勢亡去不知所往殆卽指是歟會天祚已殺蕭后聞大石至讓其不宜擅自立帝大石怒曰陛下以全國之衆不能拒敵卽立十渟皆太祖太宗子孫豈不勝乞食他人耶天祚無以對賜酒食赦其罪大石終不自安屢思叛去時天祚聞粘罕歸率師南下至武州遇金師於奄葛與戰不利遂舉衆西遁

初天祚之離夾谷南遷也大石力諫不聽至是聞其敗遂殺蕭伊實博勒和等以叛

按大石叛

遜在天祚三年九月諫天祚之難夾谷在秋七月乃他書謂九月始山金歸遼與此說  
 與精罕為雙陸戲爭道精罕欲殺金而不知其歸遼也今從遼史子會金之士馬散亡於  
 立天祚子為王云是祗知大石叛金而不知其歸遼也今從遼史子會金之士馬散亡於  
 野者未歸大石掠之并携其子及天祚帝之子而西北行三日劉祁北使記謂行數載抵  
 晝夜踰沙自過黑水方與紀要大同府西北有官山上有九十九泉流為黑河西流  
 今從托克托遼史黑水入雲內州界至東勝州入於大河見白韃韃詳寰島崇嶺馬  
 蓋遼金豐州在黑水上流元黑水新城則在黑水西北入於大河見白韃韃詳寰島崇嶺馬  
 外察哈爾地有哈喇烏蘇河西流經歸化城南又西入於大河見白韃韃詳寰島崇嶺馬  
 卽熟韃世居陰山之東北金史謂之兀族元史竺邇傳雍古氏居雲中塞上烏崇嶺貢馬  
 暨定襄陰山之間元為淨州路今內蒙古四子部落西北與喀爾喀接界烏崇嶺貢馬  
 四百駝二十羊若干大石受之芒忽氏最强散居陰山南北抵陰山會雪石積不阻得  
 前乃屏車以駝負輜重而行踰沙子唐之瀚海軍也地廣積平風起揚塵至不能辨色  
 或平原頃刻高數丈絕無水泉人多渴死故大石踰此粘罕不能近越數日西至哈敦今  
 之哈密時已逾安西抵此哈敦亦作可敦歐陽元圭高昌偃氏家傳曰偉兀之駐北庭  
 先曰歐欲谷本突厥部以女妻默棘速可汗為妻為之建可敦城卽遼之和州駐北庭  
 同紇可汗所居之地元史名曰別失把西游記謂會威武崇德會蕃新大林紫河駝等  
 之盤思馬明史西域傳別失八里西抵撒馬兒罕會威武崇德會蕃新大林紫河駝等  
 七州及大黃寶韋德時昂吉爾察察哩約喜布古德納喇達爾干塔密里默爾吉和卓烏  
 庫哩準布博克碩寬唐古呼穆蘇希達濟勒貝十八部王諭曰我祖宗創業艱難歷二十  
 九主歷年三百金以臣屬逼我州邑使我大遼已成之業墮敗於無形者皆伊等之罪也

吾今率師遠征藉擴邊境有能以兵相從者當與之俱西遂收拾士馬得精銳萬餘鼓行而前

西史謂耶律大石率回紇阿剌魯兩族侵入中亞細亞殆即指此

延慶改元

保大四年甲辰二月

續綱目作五年今從遼史

立天祚帝之子梁王爲帝而已相之置官吏排設甲具

器仗殺青牛白馬祭天地祖宗整旅而西改國號曰延慶事聞於金金主乃詔遼之降臣撻不野問其故撻不野曰大石稱王於北方署置南北面官僚有戰馬萬匹畜產甚衆宜亟興師討之以除其患金主云追襲遼主必酌事宜攻討大石須俟報下毋愆從從事致失機宜事遂已時金天會二年宋徽宗宣和六年大石方率師西征先致書於回紇必里克曰昔我太祖皇帝北征過卜古罕城卽遣使至甘州

遼史兵衛志屬國軍有甘州回紇松漠紀聞云回紇甘涼瓜沙

蕃皆有族帳居之詔爾祖烏穆珠曰汝思故國耶朕爲汝復之

烏穆珠之子爲月仙帖木耳帖木耳之子爲亦都護故國謂回紇原

居之和林木者汝不能返耶朕則有之在朕猶在爾也爾祖卽表謝以爲遷國於此十有餘世軍

民皆安土重遷不能復歸矣是與爾祖非一日之好也今我將西至大食假道爾國其勿致疑必里克得書卽迎至郊邸大宴三日瀕行獻馬六百駝一百羊三千願質子孫爲附庸送至境外所過敵者勝之降者安之兵行萬里歸者數國至尋思千會塞而杜克糾諸

國之師號十萬由忽而珊來戰忽而珊賽而柱克都名唐書大食傳作呼羅珊亦作呼拉商兩軍相望二里許大石諭其將士曰彼軍雖多而無謀攻之則首尾不相救我師必勝遣六院司大王蕭額哩埒埒討副使耶律松山將二千五百人攻其右樞密副使蕭札倫布招討使耶律穆蘇將二千五百人攻其左自率全師直擣中堅大破之駐軍九十日塞而柱克遣使求和歲貢的那數萬稱臣納地乃免又遣將征花刺子模敗其汗阿切斯之兵獲之誓臣服歲貢金乃與盟釋歸遼史稱回國主遂啟程渡阿母河經尼沙布耳尼沙布耳爲忽而珊四部之一賽而柱克所佔至古出魯克時遂併於花刺子模乃魏默流元史新編謂哲別使葛思麥里持古出魯克之首徇喀什哈爾葉爾羌尼沙布耳等城皆下之是誤以花刺子模疆域爲西遼抵起兒漫起兒漫波斯王名曾建都於此遼建爲都城時延慶二年遼保大五年疆域矣以王之名錫厥地焉遼史稱遼主天祚至應州新城東六十里爲金完顏婁室等所獲全國宋宣和七年是歲春正月遼主天祚至應州新城東六十里爲金完顏婁室等所獲全國遂亡明年凶問至西域文武百官勸進册立爲帝本錢大昕西遼紀年考共上尊號曰古兒汗古兒普也古兒汗衆汗之汗也遼史作葛兒汗元史作菊兒汗亦作闊兒汗音皆相近漢號爲天祐皇帝追尊祖父爲嗣元皇帝祖母爲宣義太后子夷列爲太子妻塔不烟爲皇后詔曰朕以數萬之師遂北追奔得抵於此皆賴爾諸將同心戮力故克底於成其各追封所生同享尊榮錫爾類以宏朕惠遂封蕭額哩埒埒以下四十九人祖父有差

延慶六年金天會七年秦州路都統婆盧火奏金主云大石已得北部二營恐後難制且近群牧宜列屯戍金主詔曰以二營之故發兵諸部必擾當謹斥候而已七年金天會八年金主遣耶律余睹石家孤拔离速追討大石徵兵諸部諸部不从石家奴至兀納水而還

奠都於虎司窩魯朶

延慶十一年金天會十二年班師東歸馬行二十日得善地於吹河之上流阿里馬城之西建都城曰虎思窩魯朶

窩魯朶華言帳房也遼史營衛志居有宮衛謂之斡魯朶金史百官志斡里朶官府治事之所

改元康國三月

以六院司大王蕭額哩呼爲兵馬都元帥德埒部前同知樞密院事蕭札倫布副之察哩部圖嚕耶律燕山爲都部署護衛耶律特爾格爲都監殺青牛白馬以祭詔曰我大遼自太祖太宗以來畢世艱難創業垂基所以遺留於後世子孫者厥法至善然以後世家君不德致朕播遷朕亟思克篤前徽滅茲醜虜恢復舊物以爲前人光冀託命於爾有衆爾有衆其各竭乃心志礪乃戈矛庶與此強胡相見於疆場稱兵復仇矢志不貳得以俯慰朕數載西征之况瘁卽有以慰祖宗在天之靈乃進元帥蕭額哩埒而諭之曰今汝其往信賞必罰與士卒同甘苦擇水草豐美之地居焉量力而後動毋自取敗軍行萬里靡有

所得牛馬多死遂班師而還帝嘆曰皇天弗順數也康國十年崩在位二十年廟號德宗后攝王位號感天太后改元咸興在位七年崩子夷列嗣立改元紹興

### 仁宗嗣位

紹興元年藉民十八歲以上得八萬四千五百戶分遣使者監蒞諸國三年金使粘罕韓奴來通聘問並觀驗民情習尙加武義將軍至帝方適野與韓奴相遇問韓奴何人敢不下馬韓奴曰我上國使也奉天子之命來招汝降汝當下馬聽詔帝曰汝單使來欲事口舌耶使人摔下囑韓奴跪韓奴罵曰反賊天子不忍加兵於爾遣使招汝爾縱不能面縛請罪闕下亦當畧敬天子之使乃敢反加辱乎帝怒乃殺之在位十三年而崩子幼以妹博克碩寬攝政改元崇福號承天太后

### 博克碩寬淫亂

后在位時曾通使南宋故宋樞密院契丹通好榜云朕自移蹕江南而遼家亦遠在漠北音問阻絕朕甚愬焉時紹興三十一年國勢漸頽后猶不悛與駙馬蕭圖嚕卜之弟巴噶濟蘇爾通出駙馬爲東平王旋因事殺之駙馬父蕭額哩埒以兵圍宮射殺太后并及巴噶濟蘇爾遂立仁宗子直魯古嗣位是爲天禧元年

天禧亡國

帝在位國境日削起兒漫故都會長殺監官以畔降於花刺子模回紇亦都護亦堅不奉詔稱臣於蒙古布哈爾諸境濱於阿母河畔者亦爲花刺子模所煽惑弗奉正朔會花刺子模汗率師來戰大破之擒汗覆其全軍然汗因降將詭詞得免克烈部王汗來降復叛去歸於西夏又奔蒙古天山東路暨北路全境皆失波斯東南忻都河西南地亦淪沒於西域國勢危蹙七鬯震驚又年耄喜諛用非其人政治日敗會乃蠻古出魯克爲蒙古所敗倉皇來歸帝納之并妻以女以冀親睦然卒爲所制鬱抑而歿而國祚遂亡國人迄今留於西域者無幾衣服悉遼回紇制度殆與厥族相混合矣

古出魯克篡立

乃蠻太陽汗旣與蒙古帝有隙遂率師與戰不利太陽汗死之其子古出魯克西徙依其叔不亦魯黑虎年蒙古帝復起師來征遇不亦魯黑於兀魯里塔山下莎酌河上戰敗被殺古出魯克遂奔額爾齊斯河龍年冬蒙古師復至古出魯克從者無多遂由阿爾泰山橫斷山脈涉白骨甸抵陰山前和州三百里沿川西行至別失八里過輪台沿昌八刺城直逾阿里馬渡荅刺速沒輦經回紇小城逾河至南山下謁直魯古於都城直魯古以長

妃格兒八速之女孫晃忽妻之甚見寵信晃忽教以勿從天主教宜宗釋教並以直魯古年老好諛告其夫以趨承焉古出魯克從其言遂說直魯古曰我離故土已久今蒙兀兒往征女真宜乘其時赴葉密里今塔爾巴哈台城乃蠻故境也哈押立克今阿拉套山西北巴爾喀什湖之東與阿爾泰山西支相接別失八里西游錄金山南有同紇城名別不八即此今爲烏魯木齊等區招集舊部衆必來歸可藉其力以衛本國直魯古從之遣令東行乃蠻舊衆果來附遂引之而西日肆劫掠復遇花刺子模之使於塗欲與共謀直魯古卽約東西夾攻西勝則西軍拓地至伊犁相圍喀什噶爾東勝則東軍拓境至費那克特河議既定古出魯克卽進攻鄂斯懇奪庫藏進圍虎思窩魯朶直魯古與戰敗之古出魯克退而集衆而花刺子模暨撤馬兒汗曾鏢斯滿之師已抵塔什干城下與直魯古之將塔尼古大戰摧敗其師塔尼古見擒於是虎思窩魯朶之民聞敗登陴固守不令鄂斯懇潰卒入城潰卒之帥謨罕默德太石率衆圍攻十餘日以巨象毀門而入大掠三日旣而部下復畔其帥古出魯克聞機亟進遂獲直魯古尊之爲太上皇襲用故主衣冠不改舊號然陽爲崇奉實則篡國自立越二載直魯古以憂忿卒在位三十四年古出魯克旣與花刺子模設有盟誓藉其力得國遂踐舊約割棄錫爾河以北地悉畀之以訛打刺城爲界城跨錫爾河中央花刺子模於此設置酋長城之南仍歸古出魯克

古出魯克既得位出師侵回鶻疆域又煽惑蔑里克餘孽使侵擾蒙古邊境諭令民間奉釋教不得奉天方教暴斂橫征每一鄉長家以一卒監蒞之自至和闐招集天方教徒辯論精理徒衆皆至居首者曰阿拉哀丁與古出魯克往復辯難詞理不屈古出魯克慚詈而縛之釘其手足於門衆情感憤而未如之何會蒙古汗率師東至示諭民間各奉舊教從其先代所守弗庸更易於是各鄉長聞風嚮應悉殺監卒以迎東師並以舉國內情輸送於哲別諸將古出魯克聞之懼而西奔天山以北諸地悉平

回紇叛服

回紇卽畏吾兒亦作高昌世居西北王庭當契丹強盛之時全族歸附歲納貢幣暨大石西徙假道厥境並借師旅數千人西征建國後稱臣納土列爲附庸至仁宗時回紇遣使聘於金自言與西遼相鄰大石已死幸上國以兵討之可獲全勝女眞帝遣韓奴與其使俱往因觀其國風俗加武義將軍奉使西遼大定中回鶻移習覽三人至西南招討使買易自言本國鄒括番部所居城名骨斯訛魯朶俗無兵器以田爲業所獲十分之一輸官耆老相傳先時西遼師至不能拒因臣之西遼所居屯營乘馬而行自且至日中始周匝近歲西遼又使其婿阿本斯領兵五萬北攻葉不輦等部族不克而還至今相攻未已金

主詔曰此人非隸朝廷番部不須發遣可於咸平府舊有回紇中人安置毋令失所會蒙古崛起國王思舉國歸附而畏西遼監國之掣肘謀於其臣俛佺理伽佺理伽曰西遼少監沙均居吾國專權恣肆民皆怨之能殺少監挈吾衆歸蒙古國彼且震駭矣遂率衆圍少監少監避兵於樓登樓斬之時方擬遣使至蒙古納款蒙古先遣阿勒濟潑魚土兒迭兒拜使其國國王厚款之令其臣博古斯阿世阿忽赤阿蘭帖木兒偕以來謁謂聞往來人言皇帝雄威大度能撫定百姓故棄西遼將遣使來歸並以直魯古情形上陳不意帝使先至讐雲開見日冰釋得水意不自勝而今而後願爲臣僕竭誠效力焉蒙古帝以女妻之

### 阿刺魯臣服

當德宗西徙之時阿刺魯嘗率所部爲前驅所至皆捷故卽位後頒賜符信世爲臣僕地當伊犁西烏古斯之東在唐時爲葛邏祿跨有金山西北三姓葉護時地廣兵強甘於戰鬥至宋時國勢寢弱遼太祖崛起西北恆征服之德宗時嘗假地於西遼俾建都邑元太祖時國主阿兒思蘭歸臣請盟太祖以女賜之並受其三千軍俾隸於麾下

### 金夏通書

金天會三年都統完顏希尹言聞夏人與耶律大石約曰大金既獲遼主諸軍皆將歸矣宜合兵以取山西諸部詔荅曰夏人或與大石合謀爲隙不可不察其嚴備之八年余睹報元帥府曰聞大石在和州之域恐與夏人合謀當遣使索之夏人聞之報曰小國與和州壤地不相接且不知大石所往幸上國無措意焉金主聞其言乃已

克烈逃叛

克烈亦作敵烈契丹盛時世爲臣僕德宗西徙遂有其地仁宗時與克烈部長汪罕之父忽兒札胡思孟祿結爲昆弟聘使往來故亦臣服於西遼及汪罕卽位多所殺戮并及父之諸弟國勢紊亂仁宗遣師來伐汪罕率師與戰不利追至合刺溫山中僅餘百人奔附蒙古蒙古師援助汪罕驅西遼之兵於西夏境上使得返國會亦難察起兵來侵汪罕汪罕又奔西遼元太祖卽位遣使招之曰日入之國不可居西遼國境居西故云日入宜速歸我罕遂由高昌唐古忒歸降於蒙古

康里降金

康里卽元魏時高車金太宗時粘拔恩君長撒里雅寅特斯率康里部長孛古及戶三萬求內附乞納前西遼所降牌印受大金牌印詔西南招討使遣人慰問且覘其意禿里余

睹通事阿魯帶至其國見撒里雅具言願歸朝廷無他意耳余睹等歸以報金帝

### 花刺子模興衰

鹹海西南裏海直東有波斯昭武九姓之吐火羅等聚族而居焉唐初大食崛起兵鋒所指奄有波斯全境分建各酋長轄治厥地未及三百載主權日替東方諸酋弱肉強食建邦啓宇國姓屢易朝名蕃多皆受哈里發教王册封然不過虛示羈縻而已不服其命令也中有部王曰賽而杜克乃烏古斯之部長居納林河及鹹海裏海之間北宋中葉時據地自主暨其孫滅布葉朝盡併其地建都於枯尼牙是爲羅姆羅姆之主卽賽而杜克朝王瑪里克沙之弟素立蠻沙也初瑪里克沙有僕曰奴世的斤執刀侍衛頗見寵任除僕籍俾任花刺子模酋長職視閫帥久之傳位於其子庫脫拔丁僭稱花刺子模沙與塞而杜克抗拒會德宗率乂部由塔什干抵撒馬爾汗侵入忽而珊敗阿切斯之兵令其臣服貢金于子阿思蘭亦臣服西遼至孫塔喀施於宋光宗紹熙五年滅塞而杜克復攻取布哈爾各城令勿從西遼又併海拉脫起兒漫諸境自以英雄地廣帝制自爲本國奉天方教而西遼奉釋教貢於異教是爲大恥其時撒馬爾汗酋鏗斯滿亦不甘臣西遼而願從西域王遂定計離叛合擊西遼之師舊制西遼使者至烏爾捷赤必居王側以寵異之至

是王斥辱其失使者忿爭卽分戮其軀舉兵西向與西遼戰兵敗併其將被獲王乃僞爲將之僕也者其將令回國取資贖主得逸歸次年復與鏢斯滿合兵敗西遼之衆凱旋以女妻鏢斯滿逐西遼監治撒馬爾汗官遣使代蒞未幾鏢斯滿與使者有隙殺之西域王輕兵來襲乘其未備破其城鏢斯滿頸繫刃首羈布以乞降王女以鏢斯滿先娶西遼女怨其夫寵禮不等遂唆父殺之於是撒馬爾汗布哈爾悉入版圖建新都於撒馬爾汗而以烏爾健赤爲舊都焉

蒙兀兒全族西征

乃蠻古出魯克旣篡奪西遼全國連合蔑兒乞餘燼抗抵蒙古會蒙古舉衆由和林西來成吉思自率一軍由天山路進征命諸皇子從山南取道于闐直抵莎車歷克養吉干巴爾真玉龍傑赤馬魯察葉爾羌烏什諸城皇四子拖雷等由山南之龜茲溫宿故地沿河而至疏勒歷克徒思尼察兀爾各城還掠木刺夷渡朔朔蘭河克耶里全境大將哲別從諸皇子爲先鋒渡乞則里巴海即伊犁河攻鉄山衣幟與敵兵不相辨乃焚蒿爲號烟燄漫天敵軍動乘之斬首三萬級遂踰雪嶺西北沿喀什噶爾河至天山南境時西遼裨將曷思麥里以可散等城來降哲別奏聞成吉思汗命從軍西征爲全師鄉導抵喀什噶爾古

出魯克聞風先遁沿塗奔潰僅三人相從至撒里庫爾道上近巴達山界有山谷曰韋拉特尼不通行人古出魯克匿伏其中哲別遇牧羊人詢得踪跡乃守隘口而令獵者進入捕得斬其首使曷思麥里持往以徇諸境若葉爾羌和闐喀什噶爾等城皆望風降附西遼全境悉平遂至葱嶺西與成吉思汗大軍會合時汗遣商旅數人赴花刺子模貿易至訛打刺城爲酋長所殺餘一人逃歸訴於汗汗怒遣使詰責阿拉哀丁謨罕默德並索城酋爲償阿拉哀丁不服聚兵於撒馬爾汗爲備免年成吉斯汗分軍爲四察合台窩闊台一軍攻訛打刺城朮赤一軍攻羶的城阿刺速客圖托海攻白訥克特城成吉思汗自與拖雷將全軍渡納林河先西取布哈爾城守庫克汗哈米特等率衆夜遁追至阿母河幾殲焉返旆循賽拉甫散河撒馬爾汗朮赤等兵亦至城圍遂合至第五日門啟大軍逕入墮其城留老稚數千人餘皆殺之於是花刺子模所佔西遼故地在阿母河以北者悉降服於蒙古惟故都烏爾韃赤梗命不服成吉思命三子朮赤察合台窩闊台率師往征時阿拉哀丁之母土而堪哈敦已去札刺勒丁兄弟亦出奔城遂下從元元之疆土直抵阿母河以西往來西域靡有阻之者矣會十七年印度西北境突厥之可薩部乘元師東歸引兵襲撒馬爾汗城復取西遼故地成吉思汗回軍討之可薩聞師至棄城走鉄門屯大

雪山汗遣郭寶玉追之遂奔印度於是命耶律楚材鎮守撒馬爾汗渡阿母河涉北印度全境

### 起兒漫立國

起兒漫亦作給爾滿爲波斯回部東南之屬城劉郁西使記稱爲黑契丹蓋西遼既亡其餘衆保此地在俾路芝國西德宗居是嗣率衆東遷留監守者居之遂爲花刺子模所併阿拉哀丁封其子吉亞代丁使居駐斯土以爲屏藩會札刺勒丁被陵於蒙古遂引兵循印度中涉大沙漠以向西北道亡士馬頗衆至起兒漫惟餘四千人西遼故將薄拉克率衆來投塗經起兒漫守會阻之薄拉克殺而奪其地適札刺勒丁至迎謁納女備後宮居一月覺薄拉克有據地自主意遂不能安仍西行入法而斯境薄拉克爰請封於哈里發哈里發錫以蘇爾灘之號又通使蒙古以札刺勒丁勢大宜亟滅爲請札刺勒丁聞之分軍南至亦思法杭薄拉克遣使來迓卑詞解免時吉亞代丁亦從木刺夷展轉徙至起兒漫薄拉克以弓弦縊殺之從兵五百人盡沒薄拉克遂逍遙於波斯東隅延西遼國脉於一綫元太宗時岱爾巴圖用兵於昔義斯坦招令屬服兼促入朝薄拉克年老遣子洛肯哀丁代往未至而薄拉克卒弟之嗣子庫特貝丁卽位太宗封洛肯哀丁爲起兒漫蘇爾

灘使返國徵庫特貝丁來和林使隨牙刺瓦赴中原治事定宗即位遣庫特貝丁歸洛肯哀丁避赴羅姆復抵報達憲宗時與庫特貝丁對質王廷不勝爲庫特貝丁所殺旭烈兀西征庫特貝丁迎至羶的城以表誠悃大德九年起兒漫酋沙喝奇汗入朝以其不奉令不以時納貢拘留勿遣起兒漫故地遂歸蒙古官轄治西遼國人在西域者至是乃靡有遺類而耶律氏之宗族於此求其一二得列諸史册亦幾如鳳毛麟角之杳不可得矣

#### 疆域四至

當國勢隆盛之時奄有今之天山南北暨波斯西南半部西南盡波斯灣南抵印度河北鄰高加索西達花刺子模東與回紇交境洗洋萬里泱泱大風左右游牧城郭諸國與國土犬牙交錯者無不納贄稱臣爭先恐後歲時遣使監治諸國匡輔得失如元之達魯花赤舊制三年得更代或久於其任皆視君上之意向爲去留頒發牌印使永鎮國祚故藩屬悉守其制分全國爲數部曰谷則部曰忽母思部曰別刺薩部若舊都河中府起兒漫等區則又建立監治官使酋長主兵制西域舊制每城守必有一酋長每數酋長必有一監理官元史曷思麥里爲可散等城長官是其明証惟全國官制他書未載故一無所稽國人皆服回紇衣冠振興文教西域至今思之傳嗣九十餘年克西域數十國大食回紇

阿刺魯之地多爲所奪而其國人無幾今遺留於西域者曰桃花歹亦名登根其人與回部相混合近人稱之爲河西回民文字仍守契丹舊制國中有大河曰吹河曰納林河曰伊黎河曰玉龍傑赤河曰阿母河山則有葱嶺雪山南山峙暎左右國人崇奉佛教回民則仍守天方教故能相安建城郭置百官一依中原故制故西游記云西北渡河有城垣基址若新街衢巷陌可辨制作類中州歲月無碑可考或云契丹所建既而地上得古瓦鐫有契丹字蓋遼亡士馬不降者所建又云晚至南山下卽大石林牙其國王遼後也自金師破遼大石林牙領衆數千走西北移徙十餘年方至此地其風土氣候與金以北不同平地頗多以農桑爲務釀蒲萄爲酒果實與中國同惟經夏秋無雨皆疏河灌溉百穀用成左山右川延袤萬里傳國幾百年耶律楚材河中春游詩注云尋思干有西域梭里松故宮在焉梭里松卽回紇故王亦作鋪速滿宮殿壯麗曠世無匹又有一塔乃沽兒伊木所造雄峙異常四望叢林流水土人謂此爲仙境沽兒伊木疑卽古兒汗長春真人西游詩云塔高不見十三級是尋思干塔在遼以前已建造不始於元矣所居之地曰窩魯朶窩魯朶華言帳房也聚一族之人治事於斯如中國之行省然回鶻有骨斯訛魯朶遼史營衛志居有宮衛謂之斡魯朶金史百官志斡里朶官府治事之所元太祖有四大斡

爾朶皆與此同大抵西北游牧諸國初興時皆無城郭以牙帳建國後得中國法制遂建城而居城之中仍設酋長如嚮者統蒞羣帳制度世代相襲與中國之土司同而跋扈弗遵王制殆有過焉當德宗西徙之時所過皆下令仍爲城守錢穀兵刑每歲上簿於監長監長皆以親近之人任之靡有叛其主者所得天山南路諸城若于闐葉爾羌皆原屬於回鶻喀什噶爾疏勒皆得之於大食天山北路伊犁河左右暨別刺薩軍皆阿刺魯之所獻納者錫爾阿母兩河之間如蒲華等又花刺子模故土至於起兒漫尼沙不耳等皆奪之於塞而杜克聲教所訖南朔皆遵不可謂不盛矣

#### 西北釋地附錄

元史撰有西北釋地一篇考證極博贍茲仿其例名曰西北釋地附錄內分天山南路諸城北路諸城錫爾河暨阿母河流域諸城波斯灣諸城一一詳載列舉如下

#### 和闐

唐書于闐有瞿薩旦那屈丹豁旦諸稱元秘史作兀丹本回鶻故地德宗西至遂攘有其地改名幹端俾隸於谷則部西游錄作五端西北地附錄作忽炭

#### 合只

元遺山撰劉氏先塋碑云車駕征契丹餘族歷古續兒國訛夷朶等戰合只破之合只卽谷則

喀什噶爾

唐書大食東來侵奪疏勒故地卽指此元祕史作乞思合兒隸於谷則部

八思哈

元史西遼長官曷思麥里以八思哈等來降其城在今天山南境

押兒牽

卽葉爾羌元史曷思麥里持古出魯克之首以徇各境若干闐葉爾羌等望風歸附稱臣於元

以上係西遼故境隸於天山以南者至古出魯克時皆爲哲別所破改隸於蒙古宇下矣

虎思窩魯朶

西遼故都西使記云過六壩兩山間土平民夥溝洫腴帶多故壘壞垣間之蓋契丹故居也計其地去和林萬五千里西游記云又四程西北渡河乃平野其旁山川皆秀麗水草

豐美東西有故城峙立於其間在宋時爲阿刺魯故地遼史天贊二年破胡母思山蕃又諸部表有忽母部均此書之虎思自大石建都後遂易名爲斡耳朶附庸城數十

### 阿里馬

西域錄云出陰山有阿里馬城附郭林擒故以名城附庸城邑八九多蒲萄梨果種植五穀一如中原

### 不刺

西遼時東北與回紇相接以于闐爲界于闐之西爲不刺城元史西北地附錄作普刺西使記作孛羅在博羅塔拉河左右

### 苦先

西域圖考云苦先卽庫車之對音元史耶律希亮由苦先至火州出伊州涉大漠還國卽此

以上爲西遼國境之隸於天山以北者古出魯克時仍據有其地至元太祖大軍

東至遂爲所滅

### 塔刺思

西使記云二十八日過塔刺寺案西游記有答刺速沒鞏原注沒鞏河也此城以河得名在河中府之東此河西行數百里繞此城

苦蓋

西使記云四日過忽章河渡船如公鞋然土人云河出南大地多產玉城臨錫爾河卽今之庫車

八普

元史西北地附錄作巴補西域記作怖悍地多西瓜大者五十斤

可散

西北地附錄作柯散西游記作可傘元史曷思麥里以可散等城附於蒙古

杷欖

西游記壬午之春正月杷欖始華湛然居士詩親嘗杷欖甯論價自釀葡萄不納官

賽蘭

在塔什干之東西游記山之南有一石城當途石色盡赤西有大家若星斗相聯又渡石橋並西南山行五城至賽蘭去虎思窩魯朶西南千餘里

訛打刺

卽今阿克蘇城跨納林河附庸城數十元史作訛答刺

河中府

卽尋思干亦作撒馬爾汗西遼故都土地富庶用金銅錢無孔郭環城數十皆園林飛渠走泉方池圓沼花木連延誠爲勝概瓜大者如馬首穀無黍糯大豆盛夏無雨以蒲萄釀酒有桑不能蠶皆服屈胸以白衣爲吉以青衣爲喪服故皆衣白西遊記云西南至尋思干城萬里外回紇最佳處

那黑沙不

城在布哈爾之東今爲布哈爾屬地名那克捨迫卽魏書之那識波國

蒲華

卽布哈耳亦作卜花兒湛然居士詩閑乘羸馬過蒲華西游錄尋思干西六七百里有蒲華城土產更饒城邑稍多耶律阿海傳從元帝攻西城下蒲華尋思干等城

忒耳迷

在阿母河北出鉄門以渡阿母河古時皆取道於此

以上係西遼國境之隸於納林阿母河之中央者直魯古在位時花刺子模中興布哈爾尋思干等城皆爲所佔至乃蠻盜國又割取數十城以與之遂以訛打刺城爲界城之東爲西遼西爲花刺子模至成吉思汗西征盡取西遼故土直抵阿克蘇與花刺子模接壤矣

尼沙不耳

元史曷思麥里傳哲別使曷思麥里爲先鋒持古出魯克之首徇尼沙不耳諸城皆下之

馬魯

今名梅而甫後漢書木鹿城卽此

起兒漫

亦西遼舊都城臨波斯灣當西域孔道本大食故境德宗西至遂佔有其地

以上係西遼故地之隸於波斯灣流域者直魯古在位時已爲花刺子模所奪至

薄拉克復興遂建爲都邑

全國紀年考

十駕齋養新錄云西遼世次紀年唯見於遼史天祚紀末他書皆無之今當以遼史爲正

紀云大石以甲辰歲自立改元延慶卽宋宣和六年在位二十年而殂則宋紹興十三年癸亥也其妻稱制號感天太后當是紹興十四年甲子稱制七年而卒則宋紹興二十年庚午也大石子夷列嗣位在紹興二十一年辛未立十三年而殂則宋隆興元年癸未也其妹稱制號承天太后當在宋隆興二年甲申稱制十四年而被殺則宋純熙四年丁酉也夷列子直魯古嗣位在宋純熙五年戊戌立三十四年而爲乃蠻所滅則宋嘉定四年辛未也遼史稱大石建號萬里之外雖寡母弱子更繼迭承幾九十年以大石在位二十年合之二后三主年數恰八十八年然則延慶當有十年并康國十年乃合在位二十年之數惟遼史於延慶三年建都之後卽云改延慶爲康國元年又云康國十年歿似大石在位止十二年明人續綱目續通鑑者大率因此致誤曾不一檢點後文何也商氏續綱目薛氏王氏續通鑑所載歲月俱未足信

遼史紀西遼之亡云直魯古在位三十四年時秋出獵乃蠻王屈出律以伏兵八千擒之而據其位襲遼衣冠尊直魯古爲太上皇朝夕間起居以侍直魯古死遼絕初不言其年何干支也諸家編年書皆係以辛酉當宋嘉泰元年不知何據余謂欲知直魯古之亡當先究乃蠻之世系乃蠻與蒙古接壤數相攻擊其事跡略見於元史初不與西遼爲隣也

屈出律者太陽罕之子太陽罕以甲子歲爲元太祖所殺丙寅元兵復征乃蠻擒太陽罕之兄卜魯欲罕而屈出律出奔也兒的石河上戊辰冬元再征屈出律屈出律奔契丹契丹卽西遼戊辰在辛酉後八年其時西遼尙無恙則謂亾於辛酉者不可信一矣元史太祖四年己巳畏吾兒國來歸而巴而朮阿而忒的斤傳亦云臣於契丹歲己巳聞太祖興朔方遂殺契丹所置監國等官則己巳歲西遼尙存謂亾於辛酉者不可信二矣西遼與蒙古未交兵故元史不載直魯古之滅然遼史所述二后三主在位年數分明自甲辰至於國亾計八十八年其千支當爲辛未非辛酉也辛未爲元太祖之六年正在屈出律奔契丹之後若辛酉歲則屈出律之父尙在何由奪西遼而有之謂西遼亾於辛酉者不可信三矣長春真人西游記述西遼事頗詳云自金師破遼大石林牙領衆數千走西北移徙十餘年方至此地傳國几百年乃滿失國依大石士馬復振盜據其土旣而算端西削其地天兵至乃滿尋滅算端亦亡其云乃滿卽乃蠻也其云失國依大石卽屈出律奔契丹國事其云士馬復振盜據其土卽謂直魯古被擒屈出律襲遼衣冠而據其位也長春西游親到西遼舊都距西尋之亡僅十餘年所言必得其實乃蠻失國在元太祖戊辰歲而直魯之被擒又在其後則謂亾於辛酉不可信四矣聖武親征錄屈出律以數人奔契

丹王菊兒汗菊兒汗卽直魯古也遼史大石以甲辰歲二月五日卽位號葛兒汗子孫蓋世襲其號元史曷思麥里傳初爲西遼闢兒汗近侍曰闢曰葛與菊音皆相近曷思麥里亦直魯古舊臣元太祖西征率屬迎降從大將哲別爲先鋒攻乃蠻克之斬其主曲出律蓋爲直魯古報仇其事當在太祖庚辰歲與戊辰屈出律奔契丹相去十有三年或據此文疑屈出律爲元兵所斬無奔契丹事者非也知菊兒汗卽直魯古則直魯古之失國必在元太祖之世謂亡於辛酉不可信五矣諸家編年所以誤者由於不信大石在位有二十年而遼史本有自相矛盾之處旣云以甲辰歲卽位改元延慶矣又云延慶三年班師東還馬行二十日得善地建都城號虎思斡耳朶改延慶爲康國元年又云康國十年殁似大石祇有十二年與在位二十年之文不合旣滅大石之年則直魯古之滅不得不移前數年矣今按西游記云大石領衆走西北移徙十餘年方至此地是大石建都之前稱尊號者已十餘年矣因建都而改元又十年而歿豈非在位二十年乎且大石之西奔在保大三年癸卯七月大石旣自立爲王必不承保大之號次年甲辰二月改元延慶固其宜也史云明年二月甲午以青牛白馬祭天地祖宗整旅而西蓋卽改元之日旣而兵行萬里乃至尋思干城與忽兒珊大戰敗之駐軍尋思干凡九十日回回國王來降又西至

起兒漫文武百官册立爲帝距甲辰改元之時蓋已久矣改元在前稱帝在後遼史以改元稱帝爲一事固非其實諸家書移於乙巳亦出臆撰且自乙巳至辛酉不過七十七年與遼史更繼迭承幾九十年之語不相刺謬乎愚謂大石官爲林牙頗通古今其改元也假興復之名以號召諸部必不遽稱帝也延慶改元常在甲辰之春其時猶未至西域若稱帝則當於延慶三年蓋用漢昭烈晉元帝故事俟天祚凶問至而後百官勸進耳若建都改元康國則必在延慶十一年西游記謂移徙十餘年方至此地者也如是則大石卽位二十年本無可疑大石之年定而直魯古之亡必在辛未而不在辛酉亦決然可信遼史雖有乖舛而可信者猶大半諸家云云則臆決附和之談置之勿論可矣



